



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, 1663

SS. Pergentinus Et Laurentinus MM. 3. Iunii.

urn:nbn:de:hbz:466:1-41940

352 VITÆ SANCTORUM. 3. Junii.

SS. PERGENTINUS ET LAURENTI-
NUS MM. 3. Junii.

Non minùs sanctum quām nobile par
fratrum PERGENTINUM & LAU-
RENTINUM aspicis, quorum nomen
Aretini cives ad Tiburtium pietatis ho-
stem delaturi, hæc accusationis capita
habuere; ludum literarum eos quotidie
frequentare: rimari arcana Philosophiæ
Christianæ; & jam privatim exercere
magisterium ejusdem sectæ; id si publi-
cè audeant, neminem fore, quem non
eloquentiâ sint corrupturi. Tiburtius
propriâ confessione convictos, invio-
latos tamen abire passus est, tanto ne-
quior, quanto blandior. Nihil deinde
de more suo remittentes, cædi fustibus
jussit, plagiisque obsaturatos inediâ ple-
cti. Tridui jejunio maceratis Angelus
mensam struxit de cælesti penu cellaque;
cujus delicias qui gustet, sentiat profe-
cto, obsonare famem tanti fuisse. Allap-
sa simul cælo lux, & sponte laxatis car-
ceris foribus, Christianis cum Pergen-
tinâ sorore ad captivos via patuit: sed ii
cæli nectare ebriis fugam suadere aggressi
frustra fuerunt. Carnificum contra ad
mortem eos evocantium suavissimæ vo-
ces visæ, quam priusquam oppeterent,
saxeam Jovis statuam ardore precum
suarum in modum ceræ coegerunt
liquef-

4. Iunii. VITÆ SANCTORUM. 353
liquefcere. Illustre miraculum, inquies;
mirabile tamen: potes tu quoque Bac-
chum, Venerem, aliaq[ue] improbae men-
tis idola precibus extinguiere. Ex Surio.

Quaecumque vitia habemus, quotcum-
que peccata, tot recentes habemus Deos.
Iratus sum; ira mihi Deus est. Vidi mu-
lierem & concupivi; libido mihi Deus est.
Unusquisque enim quod cupid & veneratur,
hoc illi Deus est. S. Hieron. in ps. 108.

S. GUALTERIUS C. 4. Iunii.

Dubitabit aliquis GUALTERIUM
mundi sidus dicere; cum humerum
stellâ insignitus in lucem prodierit, di-
vino munere parentibus concessus, Nu-
mini Basilicam invicem spondentibus.
Gratiarum domicilium dices, tanta e-
rat oris venustas, tanta morum elegantia.
Magnis pro eo studiis certamen est, cæ-
lo terraque tantum decus ad se rapienti-
bus. Praefecti urbis filia oculos in eum
conjecerat, optabatque sponsum, spe
tantò certiore, quantò inter Romanas
Nympha eminebat: & sanè, si quid
mortale amandum fuerat, tulisset pri-
mas. Jam parentum vota consenserant,
gratulabaturque pari, & pulcherrimo
conjugio Romæ, cum GUALTERIUS
generoso fastu conditionem aspernatus,
negavit feminam ullam toto orbe di-
gnam se marito: translatisque in cælum

Z

de-